



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

2. De Ioanne Damasceno insigni cultore sacratissimæ virginis, cui cum propter iniquam prodicionis suspicionem dextera esset abscissa, eandem D. Virgo implorata, eidem restituit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

ardebam desiderio videndi corpus eius: sed
niue, frigore, glacieque detentus, hyemis
marisque tempestate, illic fui vix mense Fe-
bruarij: eam mihi orandi gratiam intercessi-
one martyris Deus concessit. Vidi que ipsum
iacentem in sepulchro nimium profundo, situ
horrido, ea tamen integritate membrorum o-
mnium, & totius corporis colore, & dignita-
te formæ, tali vultus splendore & habitu, ut
non animam expirasse, sed dormire mihi sub
umbra leuiter videretur: atqui iacebat loco
ita humido, ut omnibus iam indumentis, qui-
bus erat inuolutum corpus, putrefactis, nu-
dum totum conspiceretur: præterquam quod
genitales partes fragmento lini obtegeban-
tur, exarsi cupiditate descendendi, tangendi,
osculandi pedes, manus, faciem præcipui mar-
tyris, nec tantum loci humiditas, descenden-
di que difficultas, quantum verba presbyteri
custodis, & spes id alias commodius facere, de-
tinuerunt.

*Sequentem historiam Ioannes Patriarcha Hi-
erosolymitanus Græcè scripsit, eamque tan-
quam fide dignam primum interpretatus est
Ioannes Oecolampadius, insignis Ecclesiæ
Catholicæ hostis. Citatur a Petro Canisio lib.
5. cap. 19. operis sui de B. virgine De Ioanne
Damascono insigni cultore sacratissimæ vir-
ginis cuius propter iniquam, proditionis
suspicionem dextera esset abscissa, eadem D.
virgo implorata, eidem restituit.*

F S

CA-

LE O Ifaurus Iconoclastarum patronus imperabat, & ad tuendam sectam Pseudosynodum celebrari iusserat, ingenitum motus excitans, ut sacras imagines ferro & igne deleteret, prorsusque aboleret in Ecclesia. His rugientis leonis furoribus, si quis alius, certe Damascenus sese fortiter opposuit, & in patria degens, tres libros pro sacrarum imaginum defensione conscriptos edidit, eoque opere animos iconomachorum vehementer offendit. Qui cum dolerent, suas artes & fraudes tanti viri industria detegi, atque labefactari, falso illum apud Saracenum in Arabia principem proditoris accusarunt, quod arumpenda principum foedera literas manus sua consignatas subdole misisset, ac pacem publicam perturbare aggrediretur: Huic princeps barbarus accusatorum querelis nimium credens, Damascenum quamlibet innocentem de prodicione suspectum habet, eumque in iudicio damnat, poenam illi in amputatione manus dexterae constituta. Quae res a Saraceno principe perpetrata, sed absentium iconomachorum dolo nequissimo procurata, feliciorem, quam illi sperabant, exitum habuit, & Maria quidem duce Catholicis letam victoriam impetravit. Damascenus igitur post vulnus acceptum, manum enim dextram illi amputarunt, suum Lararium ingreditur, ante virginis Deiparae imaginem sese prostermit, &

chry

chrymas fundit, suam calamitatem deplorat, multisque precibus sese virgini Matri commendat, ac supplex his verbis clementissimam implorat: Domina & sanctissima mater, quæ Deum meum peperisti, amputata est dextera mea ob sanctas & diuinas imagines. Tu, qua de causa Leo sæuiat, non ignoras: proinde quantocius succurre. Dextera enim altissimi, quæ de te incarnata est, per tuas intercessionem multas habet virtutes. Sanet, oro, & hanc meam dexteram tuis precibus: ut tuas & eius, qui ex te incarnatus est, laudes, sicut dederis, numeris rhythmicis & melodijs perscribat, & orthodoxi cultus sit cooperatrix, ô Deipara. Hæc orans Ioannes & lachrymans in somnum vertitur, videtque sanctam Dei genetricis imaginem misericordibus & latis oculis ad se respicientem, & ita dicentem audit: Ecce sancta facta est manus tua, caue posthac ne segnior fueris, sed calamum eam fac scribam velociter *Psal. 44.* scribentis, quemadmodum nunc pollicitus es. Ut autem restitutus euigilauit, & manum curiosè contemplans, curatam vidit, tum exultare coepit spiritu in Deo salutari suo, & matre eius, quia fecit secum magnalia qui potens est.

Quæ postrema Ioannis Patriarchæ Hierosolymitani est oratio, & ad veram certamque narrationem de manu Damasceni detruncata, & per virginem mirabiliter restituta pertinet, quam & postea iussus ille coram Saracenis

nis & Ethnicis Damasci protulit, cunctisque
spectandam exhibuit palam. Auget fidem mi-
raculi ea lineola, quam manus Damasceno re-
stituta seruauit, nimirum ad certius indicium
precedentis defectionis.

*Simeon Metaphrastes ex Eutychiano Pa-
triarcha Constantinopolitano qui se in The-
ophili. (de quo historia sequens) adibus na-
tum, eiusque familiarem imò & ipsius histo-
riae oculatum fuisse testem perhibet. Ag-
scit eandem historiam Petrus Damiani
scriptor grauissimus sermo. 1. de Natiuit. B.
virginis. Attingunt et Centuriatores Ma-
deburgenses, referente Petro Canisio lib. 1.
cap. 20. de B. virgine. Quomodo Theophilus
Oeconomus abnegata fide se demoni obstrin-
xerit, & per B. virginis inuocationem ad
penitentiam, syngrapham à demone recu-
perauerit.*

CAP. III.

CVM Cæsar Iustinianus rerum potiri-
tur, Theophilus quidam in oppido Co-
licæ Adana Oeconomus, siue, ut alii
vertunt, Archidiaconus Ecclesiæ fuit, multo
quidē ille gratus, & Episcopali munere, quo-
tamen constanter detrectauit, dignus existi-
stimatus. Qui ab æmulis immerito accusatus
& de officio Oeconomix deiectus, in eam
nisi impotentiam adeoque impietatem de-
uenit, ut hortatori mago Iudæo morem gerens
Christum Dei filium ac matrem eius Mariam
dat